

SESSIONI URDINARIA DI U 2021

RIUNIONI DI U 15 d'APRILI di u 2021

N° 2021 /M2/ 45

**Quistione urale dipusitata da FRANCOIS-JOSEPH FAZI
à nome di u gruppu « Ghjuventù di u Centru Drittu »**

Ughjettu : Tupunimia in lingua corsa

Signore Saveriu Luciani,
Caru Presidente di l'Assemblea di a Ghjuventù,
Cari Cunsiglieri,
Cari tutti,

Cum'è l'antrupunimia (u studiu di i nomi di e parsons), a tupunimia hè u studiu di i nomi di lochi chì face parte di l'unomastica ,st'ultimu tratta di i nomi proprii d'una lingua stessa . Sti duminii adopranu una prospettiva storica. Sta prospettiva permette di mette in ballu l'aspetti di a lingua nustrale è a so evoluzione storica . L'unomastica ,sicondu à l'etimulugia, hè l'arte di dà un nome per a tupunima.

Un nomu di locu, ind'è u so insemi diversificatu, pò esse una muntagna, un fiume, un fiumicellu, una foresta, una città, un travu , un stagnu, qualcosa in rapportu cù a religione cristiana ecc...

E surghjente principale sò l'IGN (Istituto geograficu naziunale) : u so corpu di basa hè custituitu da u ripertoriu di i nomi purtati nantu à e carte à scala. A basa di i dati hà 1 700 000 tuponimi georiferenziati per l'insemi di u tarritoriu francese. Più di 20 000 tuponimi in Corsica in a so diversità .

Di più, pudemu parlà di u pianu TERRIER (trè seculi fà) : à st'epica u statu civile di u nostru

paese hà cunservatu a graffia tuscanizata di i tuponimi è antruponimi .Per raccoglie l'elementi , infurmassi : ci sò d'altri arnesi cum'è l'INSEE, l'archivii dipartimentali, e case cumune (i so cadastri)ecc...

E cuntribuzione di tandu per a tupunimia corsa venenu da dui autori taliani (Pellegrini è Gasca).A sola sintesi tuponimica di u duminiu isulanu ferma « Le Petit Dictionnaire des noms de lieux corses » da Rodié publicatu in l'anni trenta è fundatu , d'altronde, nantu à e ricerche di Dauzat nantu à a tupunimia francese è quelli di Bottiglioni nantu à u sustrattu prelatinu ind'è a tupunimia corsa.

Oghje ch'hè oghje, sta lotta linguistica cuntinueghja è deve cuntinuà per via di e cuntribuzione d'andature private : u Cumitatu d'Istudii Scientifichi è Infurmatichi di a Tupunimia (CISIT), l'associu di i ghjovani pumontinchi « I Me Loca » è d'altri.

À contu nostru, aldilà di u sapè tecnicu è d'una cumpetenza intellettuale, u fattu di cunnosce i so lochi vene à dì a so storia ind'è a nostra mimoria cullettiva. Hè dinù una manera di tramandà à a leva nova, sta leva nova chì vene è chì venerà.

Tempi fà, l'assemblea di Corsica hà vutatu l'ottu di Lugliu in u 1983 una deliberazione à prò di a tupunimia.

À nome di u nostru gruppu, vulemu sapè a ligna direttiva di u Cunsigliu esecuttivu in materia di Tupunimia in lingua corsa ? Quattr'anni fà, una deliberazione hè stata vutata à l'Assemblea di Corsica, vulemu sapè a seguita di a cunvenzione firmata incù l'IGN. Per compie, pudemu interrughjassi nantu à l'azzione à vene, di manera generale nantu à 'ssu sughjettu?

Vi ringraziu.